

Morgen stehn ma's früh auf,
treibn ma 's Ochs und Küah aus,
geh(n) ma zu(n) an Bauan,
Baua gibb ins Woazei.
Woazei gebn ma 'n Müina.
Müina gibb ins Möih.
Möih gebn ma Fackai,
Fackai gibb ins Beaschta.
Beaschta gebn ma 'n Schuasta.
Schuasta gibb ins Schuach,
Schuach gebn ma Herrai (Herrn),
Herrai gibb ins Kreuzal.
Kreuzal gebn ma Muatta,
Muatta gibb ins Krapfai.
Krapfai gebn ma 'n Votta.
Votta gibb ins Steckai.
Steckai gebn ma 'n Lehra.
Lehra gibb ins Batzei,
san ma rechte Fratzei.

Was?
Da Fux is koa Has.
Da Has is koa Fux
und du bist fi nix nutz.

Gschnaxt, hat danaxt,
miaßt lachn, wennst es saxt.
Hat an Nachbarn sei Henn
insan Hugoggl kraxt.

Wer kimb daher?
Da Putzlbär.
Und wer damit?
Da Kupfaschmied.

Eintausendneunhunascht,
dös Ding hat mi gwunascht,
dös Ding hat mi gfreit,
daß 's heint Nudln ogeit.

Lirum, larum Löfflsteiel,
alte Weiber fressen viel,
die jungen sein nit besser,
die fressen wie die Rösser.

Schnecke, Schnecke (Grille, Grille), komm heraus,
i gib da Brot und Buttaschmaus.

Sitzenbleiber – Ratzentreiber,
Sitzenbleiber – Sesselschreiber (4)!

Ausgstöt (Ausstellen, beim Rodeln)
oda niedapröit!

Heit an Pfennig, morgn an Pfennig,
Wibele, wabele, witsch-witsch-witsch!

Schneida, Schneida, leich ma d' Schar!

Pigga, pogga Bösensteiel,
sitzt a Mandl auf da Mühl.
Hat a stabig's Hüatl auf,
uma'dum voll Födan drauf.

Auszählweise:

Geah ma aufi aufs Bergei,
deama a Rahmei leckn,
kimmt des bugglat Manndl z'wegn
und haut ins mit an Steck'n!

Heia Popeia, 's Kaiwi laft an Weiha,
's Kaiwi laft an Ellstaudn,
tuat an Buabai Ruatei klaun.

Kiabl und Kasn,
koa Hoitz auf da Roasn,
koa Wassa in da Hittn
und 'd Sennrin hat an Zrittn.

Heia Popeia, du kringlate Kuah,
iatz hock di amoi nieda
und geihst amai Ruah!

Bum, bam, Mesnazaun,
roate Kuah,
gscheckate Kaiwi a dazua.

Buttariahrn, Schmozaaussiadn,
Empalreibrn, Kasumkeahrn,
Kiah zuachatreibrn,
söllne Arbeit tat i gearn!

Soi i da a Gschicht vazöin
vu di boanan Fisöin!

Is amoi a Baua gwesn,
der is net siaß und net saua gwesn.

Blauer, blauer Fingerhut,
steht dem Mädchen gar so gut.
Mädchen, du mußt tanzen,
in dem blauen Kranzen!
Mädchen, du mußt knien,
die Augen zu verziehen!
Mädchen, sei nicht dumm
und freu und freu und freu dich nun!
Auch:
Mädchen, du mußt fliehen
und andre ziachen!